

che si paga dil Fontego di Todeschi. *Item*, di le refusure per pagar le rate a chi fa saoni; poi contraria a' merchadanti forestieri etc.

282

*Die 28 Januarii 1521, in Rogatis.*

Sier Antonius Sanuto, sier Aloysius Bernardo, sier Johannes Franciscus Mauroceno, sier Aloysius Bono, sier Matheus de Priolis *Sapientes super Mercimoniis*.

Essendo el datio nostro de la Messetaria caduto a tal e tanta extremità per molte e diverse fraude, che per molti se cometteno, che chi non li prevede di opportuno remedio senza dubio la Signoria nostra è per patir grandissimo danno, *cum* mal exemplo a quelli che pagano le sue messetarie; però è necessario proveder che tutti equalmente patiscano per le sue portion, perochè l'è posto in consuetudine che li mercadanti, sì terrieri come forestieri, el forzo de loro se fano licito le mercadantie che i vendeno pesar secretamente fra loro senza notar i marchadi a l'officio de la Messetaria; et, *quod pejus est*, volendo quelle trazer fora vieneno, a pagar la massetaria per le stime de la insida, che son per la mità e i do terzi mancho de quello i costeno la roba, et questo per non essee notado el mercado, i quali sono obligati pagar la messetaria per quello i hanno comperato la roba. Essendo necessario e conveniente proveder a tal e tanto inconveniente, però:

L'anderà parte, che per auctorità de questo Conseio, el dacio nostro de la Messetaria sia *de presenti* incantado et *in futurum cum* li modi et condition infrascritte, *videlicet*: che tutte le mercadantie et robe solite a pagar messetaria, che se atrovano ne le Doane nostre, sì da mar, come da terra, et che per l'advenir intrasseno in ditte Doane, siano obligate a pagar al novo condutor, che torà el ditto datio, in contadi un per cento de messetaria per pesi et stime de doana, e li grossi tre per ducato aplicadi al Monte Novissimo. Li forestieri debbiano pagar veramente sicome li terrieri; da li quali forestieri se debano scoder le massetarie integre, come al presente se scodeno; il qual uno per cento de messetaria se habbia a scuoder in contadi a la doana de l'intrada da mar per uno de li ufficiali de la Messetaria a questo sarà deputado, essendo  
282\* obligati Augustin Bon e Nicolò da la Torre tenir uno libro ordinario a questo deputado, sopra el qual cadauno siano fatti debitori, nomi e cognomi, et cussì creditori come i pagano. El medesimo ordine

ne sia osservato per li cassieri nostri de l'intrada da terra, Ternaria vecchia, e nova.

La Ternaria, per conto del datio del ferro e legnami sia exceptuada dal presente ordine; la qual pagar deba le sue messetarie et grossi 3 per ducato per la uscita, si come al presente pagano.

L'altro uno per cento de messetaria pagar debano quelli che comprerano esse mercadantie e robe, *ita* che el vendador non habbia a pagar altra messetaria salvo quello ha pagato a la doana; essendo obligato el venditor, come el venderà, de far dar in nota el mercado a la messetaria per i precii haverano venduto le robe, et pesar al peso de comun. Et se 'l se troverà che 'l sia stà contrafatto al presente ordine, cazano a la pena el sanser de ducati 50, la mità sia de l'accusador, e l'altra mità de li ufficiali de la Messetaria, et sia privo de non poter far più sansaria, oltra le altre pene statuite per le leze nostre.

Et perchè l'è ben conveniente che tutti quelli mercadanti che farano lavorar in questa cità lane et sede et altre mercadantie per trazerle per suo conto, et *etiam* quelli che havessero conduto merchadantie in questa cità nostra per trazerle per suo conto non siano astretti al trazer de quelle pagar messetaria, come al presente non pagano, et sia tenuto el presente ordine che quando i vorano trazer le sue mercadantie i siano obligati de far le sue bollete a l'insida et li pagar il suo datio e andar poi a la Messetaria, dove li debbiano zurar sacramento che quelle robe siano venute per suo conto e navigarle de sua rason. In questo caxo, i siano fatti creditori sopra el libro de la Messetaria tegnudo per Vincenzo Rizo scrivano, per quelle istesse stime che  
283 i saranno stà fatti debitori, da poter secontar in altre sue messetarie, over in danari contadi; li sia restituido, per l'officio preditto, la messetaria i haverano pagato, come al presente se observa, dichiarando però che quelli che vorano trazer per terra e dentro del Golpho pagar debano de le sopraditte sue robe el terzo de messetaria, come al presente pagano, nè possa esser expedita bolleta alcuna se 'l cassier de officio, over el conduttor non si atroverà presente.

El portar fuora veramente sia provisto in questo modo, che quando i vorano trazer le sue mercadantie, de le qual non fusse scritto merchado, sia dà sacramento per el cassier, over conduttor, se 'l ne è sanser essendo, mo' sia obligato a far dar in nota el mercado, et non essendo, sia creto a la sua parola per suo sacramento quello li harà constato la roba, e per quello pagar deba la messetaria; et per-